





cc
99K




Hoffers


Label of church collection III, 3424
Landwehr (German) No. 348














22
ICONES
CATECHESIOS,
ET VIRTVTVM AC
vitiatorum illustratæ nu-
meris.

IOHANNIS HOFFERI
Coburgensis.

ITEM.
HISTORIA PASSIONIS
Domini nostri Iesu Chri-
sti effigiata.



VITEBERGAE
ANNO M. D. LVIII.

INTEGRIMO

VIRO, D. IOHANNI SVERTE.

LIO AMICO ET CON-

TERRANEO SVO

CHARISSIMO

S. D.

IOHANNES HOFFERVS.



V M S V P E R I O R I -
bus diebus, quibus animum
à feuerioribus studiis retraxe-
ram, amicus noster Samuel
Selfisch Icones quasdam uer-
libus illustrari meis peteret: Etsi intellige-
bam me non ea scribendi facultate instru-
ctum, qui aliquid suaue & elaboratum
edere possem, cùm id his tantum contin-
gat, quorum manus Gratiae in lympidissi-
mis Caballini fontis laticibus absterferunt:
Tamen hominis boni & officiosi preces ui-
cerunt, ut malim nunc in reprehensionem
quorundam iudicantium incurrere, quàm
labe parum beneuoli amici notari. Com-
plexus itaq̃ sum numeris totam ferẽ κα-
τήχουσιν, hoc est, præcipua capita sanæ do-
ctrinæ, quæ sonat in nostris Ecclesijs, & ad-

A 2 iunxi

funxi quarundam Virtutum & Vitiorum
Ethicas descriptiones. Id quicquid est la-
boris, tenuis sanè nimium, carissime D. Io-
hannes tibi nuncupo, teq; oro, ut cū plu-
rima in me tua extent beneficia, animum
interea gratificandi cupidum, quem Græci
χαρίτωρ ἄριστος esse adfirmant, boni con-
sulas, & uincula nostræ amicitiae non ex
leui quadam noticia coniuncta, sed ab ho-
nestæ familiaritatis quæsitâ rationibus (ut
Iurisconsulti Pauli uerbis utar) nullo tem-
pore dissolui patiaris, pro qua fide & be-
neuolentia tibi omne studium & humani-
tatis officium pollicior. Nunc etiam
procul hinc abiturus Deum oro, ut te,
tuosq; incolumes seruet & protegat.

Benè & foeliciter uale. Vite-

bergæ 10. Maij. Anno

1557.





Lex, æterna Dei sapientia, regula strictæ
 Iusticiæ damnat crimina, iusta probat.
 Hæc patefacta fuit, quando telluris alumnus
 E tenui est terræ puluere factus Adam.
 Rupibus in celsis & declarata Sinai
 Postea, cum Moses astitit ante Deum,
 Naturæ ut scirent, ratio quibus insita fulget,
 Effigiem uoluit quasq; referre Deus:
 Quod Deus, & qualis sit, nēpe quod obliget omnes,
 Ut sint iusticiæ congrua membra sua,
 Et quod diffformes normæ malè destruat omnes,
 Ni gnatus præsens adferat unus opem.

Malleus hinc ueluti Lex lapsos conterit egros,
 Voceq; diuina saucia corda facit.
 Denotat hoc fulmen delapsum cœlitus olim,
 Cùm sonuit tristi concio seuâ polo.

I. PRAECEPTVM DECALOGI.



Sic Deus ad Mosē dilectum in monte Sinai,
 Legis ut Ebræis nuncia ferret, ait:
 Sum Deus ecce tuus, fortis dominusq; potenter
 Qui Phario eduxi teq; tuosq; solo.
 Non commentitium præter me numen habebis,
 Semper adhærebis sed pietate mihi,
 Semper amore, fide, spe, prædulciq; timore

*Me solum, uera noticiâq; coles.
 Vatis Aharonis populus sed postmodo ductus
 Pro uero ut coleret numina ficta Deo;
 Numinis indignans excanduit ira seueri,
 Idq; tabellarum fragmina scissa probant.*

II.



*Conferat haud quisquam diuinum nomen ad usus,
 Quos grauitèr uetuit sanctio iusta Dei.
 Omnis blasphemus, mendax, periurus in iram
 Diuinam Nemese concomitante ruet.
 Sic lapidum iactus Ebræus sensit amarus
 Scommata cum dixit turpiter ore Deo.*



*Sanctifices festum mandatis cultibus, omnis
 Sitq; ministerio dedita cura sacro.
 Ut sibi te faciat templum Deus optimus & se
 Spiritibus cerebri misceat ipse tui,
 Donec concelebrent expertia Sabbatha finis
 Augusti in totum pectora plena Dei.*

Afficias



*Afficias fili tu semper honore parentes,
 Qui uitæ primum causa fuere tuæ,
 Vt Deus ex longa serie tibi proroget annos,
 Et uideas natos laude nitere tuos.
 Cham quia grandæuum patrem non tractat amice,
 Commérité Poenas impietatis habet.*

A

s

Non



Non interficias hominem, non suscitetur ira
 Pectora, uindicta est attribuenda Deo.
 Sanguine quòd terram foedauit, signa reatus
 Ante Deum Caim dirus alastor habet.

Crimen



*Crimen adulterij, fœdæq; libidinis usum
 Deuites, serues coniugijq; decus.
 Sustinuit pœnas quod rex iessæus adulter ?
 Ipse Deus castus nil nisi casta probat.*

Non



Non furtum facies, non insidiabere rebus
 Alterius, tua sit prompta iuuare manus.
 Hierichuntis opes anathemata cū tulit Achan,
 Voce Dei iussus mortis obiuit onus,

Friuola



Friuola non dicas mendacia testis iniquus,
 Congrua sed rebus mens tua uera sonet.
 Helchiadi ô senibus conuicia sparsa pudicæ
 Exitij iusti causa fuere sibi.

Non



Non tibi perplacean, quas proximus occupat aedes,
 Propria sed fido rura labore colas,
 Congruat ad normam legis tua uita, tuosq;
 Mores Harmonia conueniente regas.


Nullius



*Nullius uxorem, seruumq; bouemq; asinumq;
Adpete, quæne sua possidet arte bona.*

Euan=

EVANGELIUM.



Vox Evangelij horrendum scelus arguit illud
 Maxima quod temnit, munera, turba, λόγος.
 Nunciat at dulci promissam uoce salutem,
 Qui capiunt Christi munera certa fide:
 Adfirmat quibus et peccata cruenta remitti,
 Iusticiæ GRATIS et bona uera dari
 In qua uoce λόγος solatur, et erigit agra
 Pectora, et à stygia libera morte facit,
 Atq; dato sancto flatu sibi perficit esse
 Tempia, quibus similes sufflat et ipse faces.
 Hanc ratio ignorat doctrinam, quæ modo Patris
 Enarrante pijs est patefacta λόγος.

Hanc

Hanc tibi proponas extremo in mortis agone,
Hæc legem aduersus firma columna manet.


SYMBOLVM APOSTOLICVM
ARTICVLVS I.



Esse Deum Patrem ueraci assentior ore,
Nemine qui natus non alicunde uenit,
Qui sed ab eterno genuit (mirabile dictu)
Gnatum, qui Patris lux et imago foret,
Quiq; sacrum flatum cum Gnato spirat ab æuo.
Omnia quo motu uiuificante uiuent.
A tribus his fateor personis cuncta creari,
Quicquid habet, tellus, quicquid Olympus habet.

B

Esse



Esse Deum Gnatum, qui patris imago character
 Et sit vñs & oves credulus ore sono,
 Quem Pater aternus, dum sese cogitat intra,
 Gignit, ut effigies firma sit atq; manens.
 Qui manifestatur nobis mediante quòd ipso
 Omnipotens faciat condita cuncta Pater.
 Cordibus inq; pijs uerbo solatia dicat,
 Eius & hæc reddat plena uigoris ope,
 Mittitur & nobis decreta latentia uerbi,
 Vt Patris aterni proferat ipse sinu.

Corpus

Corpus & humanum, mortalia sumat & ossa,
Vt Mediatoris munus obire queat,
Atq; redemptoris, qui crimina nostra piaret,
Sustineat partes, æquiualente λυγρ.
Et det iusticiam nobis, ueramq; salutem,
Vt læta aspiciant pectora nostra Deum.
Cum ueniet Gnatus (quô stantes ante tribunal
Iudicet (& tradet mitia sceptrâ Patri.

B 2 Non





Non titubante fide statuo, quòd Spiritus almus
 A Gnato ueniat, Patreque numen idem,
 Quo Pater et Gnatus se complectuntur amore,
 Pectora in *Q*uod *s*apientia leticiaque fouent.
 Qui manifestatur nobis, quòd patris ab arce
 Mittitur, et uerè corda renata subit.

In qui=

In quibus accendit flammās ardentis amoris,

Et motus, quales mens habet ipsa DEI.

Credo quod & Christus, dum sanctum colligit ag-

Voce ministerij, Spiritus ipse iuuēt. (men

Sentio credenti & uerè peccata remitti,


Et uitæ æternæ gaudia summa dari.

Corpora quando Deum tumbis excita uidebunt

Pelle, uelut fuerant conspicienda prius.

B 3

Precat



PRECATIO AD FILIVM
DEI, CRVCIFIXVM
PRO NOBIS.



Dum circumspicio, dum sollicitusq; laboro,
Quo scandam cœli culmina celsa gradu:
Nil novi præter crucifixi uulnera Christi,
Huius ego meritis culmina scando poli.
Sanctorum uotis, missis & cœlibe uita
Inquirant alij complacuisse DEO.

Elue tu sordes meritorum Christe meorum

Sanguine, naturam mundificato ream.

Solus is ad cœlum credentes collocat omnes,

Atq; cohæredes efficit esse tuos.

Nanq; rubet λόκος βαλκή uelut, omnia nostra

Ante tuos oculos Christe perinde rubent.

Tu niue Sythonia fac candidiora, cruore,

Crimina, quæ Sathanæ nil nisi uirus habent.

Tunc tibi grata feram præconia, donec in æuum

Cum flatu celebrem te λότος ante Patrem.

B 4

Resur-



RESVRRECTIO
CHRISTI.



*Morte Triumphator truculenta Christe resurgens,
Nos quoq; fac signis proxima membra tuis.*

Oratio

ORATIO DO- MINICA.



In cœlum penetrare preces, quas fundimus ore
Collaudante Deum, testatur concio Christi,
Ordine dum formam orandi præscribit amicis
Discipulis, postquàm sublimi in uertice montis
Tradere cœpisset documenta salubria uitæ.
Nos igitur cuncti Ὡς αὖτε quoq; uerba sequamur:

O dilecte parens, qui cœli sede receptus
Nos sobolem blandam caris amplecteris ulnis.

B

5

†. Peti=



*Sancta tui uerbi late extendatur in orbem
 Noticia. & cunctis passim efflorescat in oris
 Nominis augusti celebratio, dogmata falsa
 Vndiq; tollantur, quibus obruta gloria cultus
 Diuini iacet, & pedibus prosternitur imis.*

Insur.



Insurgant regni mitissima scepra beati,
 Perq; ministerium foelix Ecclesia crescat,
 Cui gratis propter te crimina cuncta remittas,
 Cuiq; sacrum flatum dones, durisq; procellis
 Iactatam miserè quam tristi in ualle malorum
 Eripias tandem, facias & luce potiri
 Aeterna tecum, heredem sociamq; bonorum.

lusa



Iussa uoluntatis nostræ sint congrua uerbo,
 Confirmesq; tibi fac ô pater optime nostros
 Actus. Angelici ueluti tua iussa facessunt.
 Heroes careat munus successibus opto
 Speratis nullum, seu quod Respublica poscit,
 Sen res priuatæ, tibi seu quoq; cœtus adhærens.

Quoti-



Quotidie nobis panem largitor abunde,
 Corporibus tu uitam affles, lætumq; uigorem,
 Copia sufficiat uictus, pax aurea regnet,
 Sint sacra iura, piæ genitor sobolem educet. omnis,
 Sint saluæ matres parua cum prole, domusq;
 Expertes maneant grandis te uindice damni.

Vt



Ut nosmet ueluti peccata remittimus ipsi,
 Prostrati nobis qui se debere fatentur:
 Sic quoq; prostratis tibi qui debere fatemur
 Propitio ex animo peccata remitte benignè.

Nostra



Nostra sacro semper spiramine corda gubernes
 Nec patiare, premat nos crux ut funditus aëlos
 Nec sine nos lapsos subuertere Dæmonis astum.

Seē



*Sed nos à damnis assertos uindice dextra
 Omnibus, excelsi traduc ad sidera coeli.
 Nanq; tuum est regnum, tua summa potentia, clarū
 Nomen, honosq; manet celebris tibi semper in aeuū.*

*Hæc non ad surdas uolitantia pangimus aures
 Vota. Sed euenient quæcunq; petiuimus, Amen.*

Sacra =

SACRAMENTVM BAPTISMI.




*Scansurus Christus sublimia limina cœli,
 Discipulis retulit talia uerba suis:
 Qui dominor uasto cœlo, terræq; patenti,
 Cuius & in uerbis non leue pondus inest.
 Præcipio uobis nunc: Ite docete per orbem
 Latuagum populos, sub ditione meos,*

C

Subter

Subter aquas liquidas & mergite nomine Patris,
Et cari Gnati, flaminis atq; sacri
In meritis fuerit sita cui fiducia nostris,
In sacris undis & bene mersus erit,
Saluus is aspiciet coelestia regna, perenni
Cumq; Deo latus luce superstes erit.
Cui non in meritis fuerit fiducia nostris
Sed sita, damnatus tecta Draconis adit.
Donec erunt fragilis quin secla fugacia mundi,
Copia non uobis deerit ulla mei.

Bapti=



BAPTISMVS CHRISTI.




Christus ut est lotus diuino à uate Iohanne,
Ipse Deus totus conspiciendus erat.
Nam pater à cœlo de cari munere Gnati
Clamat ad humanum uoce sonante genus:

C 2 Filius

*Filius hic meus est, ego quem complector amore,
 Auribus hunc cupidis audiat omnis homo.
 Filius ipse Dei sacris aspergitur undis
 Presentemq; uidet concio tota uirum.
 Simplicis ast instar descendit ab arce columbæ
 Spiritus, & gnati tempora sancta tegit.
 Sic patefacta Dei nobis essentia clare
 Mandato æternum debet honore coli,
 Signaq; diuini benè declarata fauoris
 Conuenit amplecti iustificante fide.*

ΣΤΟΓΥΗ



STOPTH DIVINA ERGA
INFANTES.



*Amplexis figens infantibus oscula Christus,
Hisq; patris memorans regna parata sui.
In genus humanum, propria quod morte redemit,
Flagrantis motus exerit ipse faces.
O homo disce Dei sincerum agnoscere amorem,
Inq; uicem Christum non simulanter ama.*

Huic tibi sit studium pueros adducere matris,
Non melius pueros prouida cura fouet.
Dumq; tuam sobolem portas ad brachia Christi,
Ipsius exoptans irrequietus opem:
Non dubius statuas maiorem in pectore Christi
Ἐτοπλὼ in massam corporis esse tui.
Quam tuus amplecti queat unquā maximus ardor,
Quæ genuit coniunx pignora cara tibi.
Huic animo forti semper confisus amori,
Teq; tuosq; Deo crede, beatus eris.

Abso-



ABSOLVTIO PRIVATA MI-
NISTRI EVANGELII.



Stans in Apostolici medio gregis agmine Christus,
Insufflans sanctum flamen ab ore refert:
En uobis sanctum trado spiramen, & illud
Vt regat aeternum pectora uestra precor.
Quorumcunq; trucis scelerata piacula culpæ
Voce remittetis, uoce remissa uolo.
Quorumcunq; trucis scelerata piacula culpæ
Sed retinere placet uoce, retenta uolo.

C

4

Eucha=



Nocte, fuit Christus qua Iudæ traditus astu,
 Accipiens Panem, & frangens benedixit & inquit:
 Accipite integrè uos, manducateq; corpus
 Hocce meum est, quòd pro uobis offertur & illud
 Efficite, & memores semper necis este cruentæ.
 Sic calicem accipiens, est postquàm Cœna peracta,
 Egerat ut grates, dixit: cuncti bibite inde.
 Nam docet iste calix, in sanguine fœdus inisse
 Vobiscum roseo me, uos quoq; quando bibetis,
 Et quoties, memores semper necis este cruentæ,
 Ipse reuersurus donec sum, clangor ab alto
 Æthere defossos sub terra quando uocabit.

Preca=

PRECATIO ET GRATIARVM
ACTIO AD MENSAM.



Qui stimulante fame cupido & dux deuorat ore,

Debuit is nullos ore uorare cibos.

Ergò resecturus lassatos corporis artus.

Consecrare dapes per uia uota decet.

Corporis ô autor custos largitor & altor

His benedic epulis pro bonitate tua.

Inde recessurus, quando sunt membra resecta,

Munifico grates reddito uoce Deo.

Conditor ô noster, tibi gratia nomine Christi,

Corpora quòd nutris conueniente cibo.

Hac Deus, aut simili debet pietate rogari,

Vt uigor in saluo corpore semper eat.

ORATIO CVBITVM EVN-
TIS ET SVRGENTIS.



Humanos artus post pabula sumpta sopore
Cum dulci sera nocte rigare cupis,
Cui cordi est pietas, propriæ studiumq; salutis,
Hac uel consimili uoce precare Deum:
Alme pater sessum iam somno præbeo corpus,
Ventura dubius nunc quoq; luce fruar.
At quoniam custos meus hæctenus ipse fuisti
Veraci grates pectore dico tibi.

Et

Et precor augusto saluantis nomine Christi,
Vt quasi custodem nunc morientis agas.
Pelle procul technas & robur Demonis, ore
Qui Leo ceu passim seuus hiantem fremit.
Somnia pelle procul, simulacraq; uana pauorem
Sæpius incutiunt quæ mihi nocte graui.
Sic ubi caligo cessabit & aureus ortu
Cynthius auroræ lucida dona feret,
Quam prius aggrediar susceptæ munia curæ,
Ipse Deo grates uoce sonante canam:
Quas tibi quas tanto grates pro munere reddam?
Quas meritis laudes concinam & ipse tuis?
Qui me texisti custos Deus optime, somnus
Corporis ut tenuit mortua membra mei.
Tu primos homines Paradisi in dulcibus hortis
Ante locans uultus, ut tua imago forent,
Æterna tecum uoluisti luce potiri,
Noticia illustres iusticiaq; tua.
Proh dolor instinctu damnati urgente colubri,
Vt leuibus uicibus tot pericere bona.
Hæc tamen ut repares patrio miseratus amore,
Misiisti gnatum, uictima ut ipse foret.
Omnis in hunc credens æternæ ut gaudia uitæ
Sentiat Angelici pars quotacunq; chori.
Si genus humanum tanto es dignatus amore,
Num uitæ fragili dona negare uelis?
Ergo tibi totum me do commendoq; dextra
Hæc rege me tectum luce sub, alme pater.

Commoda

Commoda da uitæ, fruges, dulcesq; liquores

In patrio seruet pax bona cuncta solo.

Corda magistratus pariter populiq; gubernæ,

Officio ut subeat quilibet apta sibi.

Sic mihi quæ fuerint etiam peragenda, sereno

Strenuus ut miles pectore semper agam.



SEQVNTVR VIR=
TVTES THEOLOGICÆ
ET PHILOSO=
PHICÆ.





Noticia stabili doctrina assentiôr omni,
 Attulit à patris quam λόγος ipse sinu.
 Hac & in ambabus manibus præhendo salutem,
 Promissam propter te pie Christe mihi.
 Et statuo propter te & per te crimina tolli,
 In quibus immer,us funditus orbis erat.
 Hac ste fisa tuo sub numine leta quiesco,
 Et procul horrendum pectore pello metum,
 Inq. Deo capio solutia uera, precesq;
 Offero, nec dubito pondus habere fidem.

SPES.



Expecto certò uitæ sine fine futuræ
 Ob Christum GRATIS gaudia danda mihi.
 Donec & in uitæ perituræ ualle pererro,
 Ut mala consilio mitiget oro Deus.
 Christe meis rebus fidissime portus & aura,
 Duc animam è uinclis corporis ipse mei.
 Spes confisa tibi nunquam ut confusa recedam,
 Oblato & potiar tota quieta bono.

Caritas

CARITAS.



Toto corde ego præceptis obtempero cunctis,
Quæ sanxit iusti regula recta Dei.
Inq; fide ardenti, capio qua munera Christi,
Lator & amplector dedita mente Deum.
Do cunctis operam, quibus inferuire necesse est,
Officium propter lator & ipsa meum.

Pietas



*Adſidua cura, pietas ſtudioq; frequente,
 Docta, Prophetarum myſtica ſcripta lego,
 Scrutor Apoſtolicis & noſcere tradita ſcriptis,
 Quæ benè ſcrutari præcipit ipſe Deus.
 Et digitum intendo ad fontem, qui diuite paſſim
 Diuini erga homines nectare amoris abit.
 Ipſa Dei monſtro quæ ſit natura, uoluntas
 Quæq; ſit ipſius, prædico uoce pia.
 Annuſit hic numen mihi ſolum uberrima merces,
 Hanc ego pro ſancto grata labore feram.*

Patientia

PATIENTIA.



Pectore dura sero forti Patientia lenis,
Voce Deus iustus quæ tolerare iubet.
Propterea seuo nec uincor fracta dolore,
Nec latitans odium nutrio corde DEI.
Erigit at stabilis firmum fiducia pectus,
Me non iratum semper habere Deum,
Sed fore tempus, erit, quo portum rursus adepta
Sors mea, nanq; iuuans anchora Christus erit.

D

Pruden-



Priuida mente, sciens præsentis, gnara futuri
 Consilij metas cum ratione rego.
 Eligo quæ prosunt nec sunt contraria honesto,
 Quæcunq; nocent simul et sunt inhonesta ueto.
 Publica res floret, fuerint si tradita dextræ
 Sceptra meæ, leges, aurea paxq; uiget.
 Informo multos, mihi discere cura uicissim est,
 Transigo sic uitæ tempora cana meæ.

ANTI.



Grata Deo est pietas, fessos nutrire parentes,
 A quibus es fatus tempora longa puer.
 Cernis ut effœtam miranda Ciconia patrem
 Nutriat, & laudem pro pietate ferat.
 Quid facerent homines, cœlestis imaginis instar
 Quos uoluit radios numen habere suos?
 Tū quoq; qui placidum genitorem gnata Cimonem
 Pauisti uberibus lacte fluente tuis.
 Viuis in æternum multas Heroidas inter,
 γῆρο ἑοφῶν uiuax secula sera uidet.

D


Iustis

IUSTICIA.



*Quæ teneo dextra gladium, lancemq; sinistra
Iusticia auricomo pingor & ore nitens.
Cuiq; suum tribuo, non quenquam lædo, probatis
Moribus extollo nomen honore meum.
Hinc mihi diuino procedunt cuncta favore,
Est etenim uerè iustus & ipse Deus.*

Fortis



Mente ferenda fero magna, nec prospera rerum

Vela queunt animos illaqueare meos.

In promptu causa est, Heroicus impetus ortus

Numinis à dextra dirigit usq; manum.

Iessai hoc uatis uictoria monstrat aperte,

Qua pressit Goliath tela, tegente Deo.

Nil forte aut magnum sine numine, credere debet

Quilibet acta Deo, fortibus ille fauet.

TEMPERANTIA.



Adde modum dapibus, potum & moderare frequentem
Commodus ut precibus tu magis esse queas,
Et cura uigili meditari mystica possis
Scripta, uenit nobis unde petenda salus,
Et magis intentus facias, quæ postulat usus,
Mandat & officij prouida cura tui.
In te sic numen ceu templo habitabit, & ipse
Præ reliquis multa laude uehendus eris.

Castitas

CASTITAS.




Artemis ut fugeret consortia blanda uirorum,
 Colla libidamibus subtraheretq; uagis:
 Dicitur in nemorum uiridantes isse latebras,
 Virgineo exiguo concomitante choro
 Hic succincta, ferens arcum, pharetramq; uagata est
 Venando celeres tesqua per uda feras.
 Tu quoq; qui finem malesani quæris amoris,
 Otia deuittans res age tutus eris.
 Otia quisquis amat, quod agat nec repperit, illi
 Obrepat incauto subdolus hospes amor.



Arma facemq; gero, atrocissima signa furoris,
 Ipsa quibus cupio pellere damna data.
 Gorgoneum simulo uultum, mihi sanguine uenæ
 Nigrescunt, ignis lumina more micant.
 Ira uocor, rapidus fugientis pectoris aestus,
 Gestio & obiectum ui remouere malum.
 Me nisi quis uincat patientis robore cordis,
 Hic erit exitij causa parata sui.

Inuidia.

INVIDIA.



*Tetra oculos, & tetra genas, & brachia tetra,
 Articulos manuum, pectora tetra pedes,
 Mando cor, alterius res marcens propter opimas,
 Id lucri tantum iurè fero Invidia.*

D

s

Crapu-



Ipse licet toto turgescam corpore, semper
 In manibus tamen est amphora trita meis.
 At latus incedit sus foedo stereo gaudens.
 Sic poteras uitæ symbola nosse meæ.
 Sum gula, causa necis, fons litis, origo malorum,
 Et male sterno lacus ad Stygis usq; uiam.


Super-



Forsitan hæc fuerat comptæ mulieris imago,
 Quam benè Phòcylides assimulauit equo,
 Ducit equi quoniam primam de semine stirpem,
 Æmula sublata mente ferocis equi,
 Exultans specie speculi quam reddit imago,
 Extollens cristas pauo superbe tuas.
 Spirans alta, gerens animum, malefana, salaci
 Fronte struens multis noxia damna uiris.
 Hanc Deus ut pestem procul hinc dispelle nocentem,
 Cum fuerit thalamo Sponsa petenda meo.

Segnities

SEGNITIES.



En ego Segnities, quæ brachia pigra remitto,
 Exequor officij munera nulla mei.
 Nec proprios, sicut debebam, præsto labores,
 Ocia sed temerè desidiosa traho.
 Ergò laude carens non præmia consequor ulla.
 Sic meritam palmam quenq; tenere decet.

Auari

A V A R I T I A.



*Seruo non ulli, non ulli commoda praesto,
Diuitias studeo, sed cumulare meas.
Non iustum, iniustum non curo, dummodo lucrum
Sit mihi, sit quamuis sordidus eius odor.
Ipsa oblita Dei fuluo confido metallo,
Hinc oculis caecis pingor Auaritia.
Vis dicam sim quæ: sum radix una malorum
Cunctorum, quotquot maximus orbis alit.*

FINIS.

VERBA CHRISTI, EX SE-
CVNDO LIBRO CHRIS-
TIADOS H. VIDE.



Corporis hæc nostri est, hæc uera cruoris imago,
Vnus pro cunctis quem fundam sacra Parenti
Hostia, ut antiquæ noxæ contagia tollam.
Vos ideo quoties positas accedere mensas
Contigerit, sacrasq; dapes libamina iussa,
Funeris his nostri mœstum referetis honorem,
Et nunquam istius abole scat gloriâ facti.

Sanguis



*Sanguineus Christi manat de corpore sudor
Pondera tam nostro nomine dura tulit.
Te precor humane reparator Christe salutis,
Crimina qui deles sanguine nostra tuo.
Flamine quo sancto mortalia corda gubernes,
Ut meriti agnoscant munera summa tui.*

De

DE LAVRO.
ELEGIA IOHAN-
NIS HOFFERI.

AD IOHANNEM SCHOS-
SERVM, POETAM LAV-
REATVM,



VNdiq; nunc cuperem circum me serpere laurum,
Dum celebros laudes laurus amœna tuas.
Symbolon eximium diuini laurus honoris,
Laurus amabilibus semper opaca comis.
Non modo Schofferi quoniam tu tempora cingis,
Laudibus ex una parte uehenda uenis.
Nescio uirtutis sed quid natura latentis
Insuper indiderit docta magistra tibi.
Arbor in Aonij Parnassi uertice crescis,
Grandibus & paruis conspicienda comis.
Fronibus & semper leto sub Vere renides,
Et tibi perpetuo grata iuuenta uiret.
Est calor in folijs, minor est in cortice cuius
Acredo, maior cui sed amaror inest.
Nescio (confiteor) tibi quæ sint munera, Phœbus
Hæc poterat melius concinuisse lyra.
Sed tamen ingenuè mihi cognita dicere fas sit,
Me licet haud uatem florida laurus amet.

Ex

Ex te fragrantēs pulchrè diffērgis odores,
Et cerebrī humani templā uapōre replet.
Organa, defēssos, tu corpus agentia, neruos,
Et pariter sensus organa uiua, foues,
Atteris & lapides calidis in renibus ustos,
Vindice te cupidum sentit & epar opem.
Deniq; tu uarijs medicina doloribus una,
Corpora non uno robore mille iuuas.
Quid quòd & infixus de te benè surculus agris,
Hinc Cereris pestem cogit abire procul?
Multa reposta tibi arcano mysteria fato
Non possum causis significare suis.
Esse quid hoc dicam? Vulcani lumina mittis
Sulphuris asperso puluere fricta super.
Miror & incolumem quòd te non fulmina tangunt.
Prodigium magni laurus es icta mali.
Æthere sic Cæsar mittente Tiberius alto
Tela Ioue irato te redimitus erat.
O Phœbo Musisq; nouem carissima laurus,
Iure tuas dotes carmine propter ouo.
Sic tibi non temere gratati clara Quirites
Munera iusserunt te decus esse sibi.
Fronibus egregiè in festis solennibus ornas.
Induperatorum, Pontificumq; domos.
Valuas templorum, præcelsa palatia regum
Splendida commendas semper honore nouo.
Tu Iouis in gremio recubas & in æde sacrata,
Pacis inest signum, leticiæq; tibi.

Visere qui pergit Capitolia candida uictor,
Huic cingis niueis frondibus ipsa caput.
Plurima quid memorem? Iouis es demissa tonantis
Arce, fores claris digna corona uiris.
Hinc laurum manibus tenet, & sua tempora circum
Serta triumphator laurea Cæsar habet.
Nec modo uictores decet hoc gestamen honestum
A quorum miles concidit ense ferox:
Laurus Apollineam decoras quoq; iure cohortem,
Es quoniam Phœbo tota dicata tuo.
Cuius & aërijs crescis feliciter hortis,
Cuius & æternum munere salua manes.
Accipit emeritus iustissima præmia miles,
Magnanimi & laudem roboris ipse capit.
Cur non illustres ueneremur honore Poëtas,
Pectora sunt quorum tota referta DEI?
Ergo iure pios uates uictoribus æquas,
Semper odoriferis laurus amicta comis.
Salue perpetuo Daphne delicta Poëtis
Sit tuus in seclum non uiolatus honor.
Hæc Schoffere tibi, meditatur carmina, uates,
Sit licet Hofferi parua Thalæia tui.
Dum tibi promeritos uerè gratatur honores,
Dum sonat acclamans & canit ore melos.
Dum salit harmonico multorum concita cantu,
Qui sunt in laudes prompta cæterua tuas.
Nam donante tibi nuper Daphnæa Sabino
Serta Poëtarum lata corona fuit.

Quos

Quos inter primas merito tulit ipse Bocerus,
Tinctus in Aonio Codiciusq; lacu.

Quem decus est ingens claro placuisse Sabino,
Quem iactat uatem Teutonis ora suum.

Itala quem tellus passim miratur & audit.

Suauiter Aonia carmina uoce loqui,

Gloria cardinei coetus quem Bembus honorat,

Adsertor linguae Roma diserta tuae.

O tibi uenturis florescat fortiter annis

Laurus, & o uigeant secula cana tibi.

Halitus adspiret cerebro Daphneus odorem.

Vt mentis maneant organa pura tuae.

Dispellasq; procul malesanos pectoris aestus,

Et Musae curis sint medicina tuis,

Exerat ingenium coelesti à numine tractum

Quas natura dedit non mala larga, faces.

Grata Deo recinas, humane & commoda uitae,

Hunc decet ingenuis uatibus esse scopum.

Casti placent castis, te casta scribere mente

Conuenit, es casti nanq; Poëta Dei,

Sic tibi munito contra metuenda Tonantis

Fulmina, non poterunt ledere damna caput.

Sic tibi succedent felici tramite capta,

Sic dulces fructus laurus amica feret.

Cedite mendaces, stultissima pectora, fuci,

Quos tumidos uatum nomen inane facit.

Qui non grata Deo, nec nostrae commoda uitae

Scribitis & uersus uenditis ære malos.

Moreq; scortorum uarios inquiritis uni
Patronos chartæ,proh pudet ista loqui.
Vos decet abstrusos Cyclopum in rupe latere,
Fama præstantes ante nec ire uiros.
Non ita censeri debet diuina Poesis
Vilis,ut argento seruiat ipsa leui.
Imo nec Heroum debentur præmia uobis,
Quæ male barbaries captat auara modò.
Serta ne mendicos tales Daphnæa coronent ?
His ego pro lauro spinea sertâ precor.
At Schossere tibi meus est cui candor honestus
Cognitus,in primis lætor honore tuo.
Tuq; dabis ueniam iusto ueroq; dolori,
Fucorum expressit quem mihi stulta cohors.
His Deus ingenium,uires uenæq; negabit,
Tu cane cum claris numina casta uiris.

F I N I S.

Ingressus Christi Hierosolymam gloriosus,
die palmarum.

Matth. 21.



Christus zeucht herlich ein zu Jerusalem.
Matth. 21.

E 3 Coenat.

Coenat cum discipulis suis
Christus

Matth. 26.



Das Nachtmal Christi mit seinen Jüngern, Matth. 26.

Christus

Christus orat ad Patrem, aduenientibus Iuda proditore, cohortibus & ministris Iudæorum.

Iohan. 13.



Christus betet am ölberg/ Judas kompt
mit den scharen vnd Jüden in zu sehen. Jo. 18.

E 4 Oscula

Osculo Iudas Christum tradidit, ut capiatur
Petrus ministro præcidit auriculam,

Math. 26.



Judas verrehet Christum mit ein Fuss.
Petrus hawt des hohen Priesters Knecht ein
Ohr ab. Matth. 26.

Christus

Christus coram Anna principe sacerdotum
captus sistitur.

Matth. 26.



Christus gefangen fürn obersten Priester
Annam geführt. Matth. 26.

E

s

Christus

Christus confitens se filium DEI, in faciem cæditur, princeps sacerdotum scidit uestimenta,

Matth, 26.



Christus bekent das er Gottes Son sey/
wird ins angesicht geschlagen/ Der hohe pries-
ter zureis sein Kleidt. Matth. 26.

Christus

Christus obuelatus alapis ceditur, illuditur,
& conspuitur.

Matth. 26.



Christus wird verdeckt ins angesicht ges-
schlagen/verspottet vnd verspeiet. Matth. 26.

Christus

Christus ad Iudicem Pontium Pilatum
ducitur.

Matth. 26.



Christus wird fürn richter Pilatum ge-
fñrt. Matth. 26.

Christus

Christus ad Herodem deducitur; & accusatur.

Lucae 23.



Christus wird für Herodem geführt vnd angeklagt. Luc. 23.

Christus

Christus flagellatur a Pilato, cogitante il-
lum dimittere.

Iohan. 19.



Pilatus lessit Christum geisslen.

Christus

Christus purpura indutus, illusus corona
spinea coronatur.

Matth. 27.




Christus mit Purpurkleid angethan / wird
verspottet / mit einer dornen Kron gekrönt.
Matth. 27.

Pilatus

Pilatus Christum flagellatum prætorio educit, Iudæis commonstrat, illi, Crucifigatur conclamant.

Luc. 23.



Pilatus zeigt Christum den Jüden vom
Richthaus / sie begeren in zu Creutzigen, Luc. 23.
Pilatus

Pilatus manus lauando, Iudæis Christum
crucifigendum tradit.

Matth. 27.



Pilatus wil vnschuldig sein / weschet die
Hende / vberliefert Christum den Jüden zu Creu-
zigen. Matth. 27.

F

Christus

Christus crucem suam ferens in montem
Caluariæ crucifigendus Ierosolyma edu-
citur.


Matth. 27.



Christus tragt sein Creutz aus Jerusalem
an den berg Caluarie zu creuzigen ausgefñrt.
Matth. 27.

Christus

Luc. 23.



F - 2

Christus

Christus in cruce à Centurione, uiso terræ
motu, filius DEI confitetur.

Matth. 27.



Christus am Creuz von dem Hauptman
Gottes Son erkent. Matth. 27.

Christus

Christus de Cruce deponitur à Ioseph
Arimathensi.

Lucæ 23.



von Joseph von Arimathia nimpt Christum
vom Creuz. Lucæ 23.

F 3

Ioseph

Ioseph corpus Christi posuit in monumen-
to suo nouo, quod exciderat in petra.

Matth. 27.



Ioseph legt den Leib Christi in sein new
grab/in ein felsen gehawen. Matth. 27.

Glo-

Gloriosa Christi , tertia die , à mortuis re-
surrectio.

Matth. 28.



Die herrliche Auferstehung Christi von
den Todten. Matth. 28.

F. 4

Ange-

Angelus mulieribus annunciat resurrexisse
Christum, qui & Mariæ in horto apparet.

Matth. 28.



Der Engel verkündiget den Weibern die
auferstehung Christi/der auch Marie im Gar/
ten erscheint. Matth. 28.

Christus

Christus Mariæ in horto
adparet.

Iohan. 20.



Christus erscheint Marie im Garten.
Johan. 20.

F 5 Christus

Christus discipulis Emaus euntibus se
adiungit.

Luc. 24.



Christus erscheint den Jüngern die gehen
Emaus giengen. Luc. 24.

Thomas

Thomas incredulus digitos in latus Chri-
sti immittit.

Iohan. 20.



Thomas legt seine Hand in die Seiten
Christi/vnd gleubt. Iohan.20.

Ascen-

Ascensio Christi ad cœlos, in monte Galilææ à nubé susceptus.

Matth. 26.



Auffahrt Christi zu Himel in einem Wol-
ken. Matth. 26.

Missio

Missio Spiritus sancti, Discipulis simul congregatis, supra singulos specie linguæ igneæ.

Act. 2.



Sendung des heiligen Geists/ in gestalt
feuriger zungen, Act.

Christus

Christus in nouissimo die iudicaturus ui-
uos & mortuos.

Matth. 25.



Die zukunfft Christi am Jüngsten tage,
Matth. 25.


F I N I S.



*Vngitur in Regem Saul à Samuele Propheta,
Sceptra magistratus numine dante tenet.*

VITEBERGAE
EXCVDEBAT IOHANNES
CRATO.


ANNO M. D. LVIII.




ВЕРХНЕ-УФАЛЬСКИЙ РАЙОН
УФАЛЬСКИЙ РАЙОН

ПОСЫЛКА
ТАСЛИМОВА
СЛАД
УФАЛЬСКИЙ РАЙОН







SPECIAL 84-B

29275

THE J. PAUL GETTY CENTER
LIBRARY

